



Arkivnr: 2014/2-68  
Saksbehandlar: Adeline Berntsen Landro

## Saksframlegg

### Saksgang

Utval	Saknr.	Møtedato
Hordaland fagskulestyre		27.01.2015

## Endringar i kvalitetssikringssystemet for Fagskolane i Hordaland

### Samandrag

Hordaland helsefagskule har etter godkjenning av styret søkt NOKUT om vesentleg endring av allereie godkjent tilbod innan spesialreinhald og sterilforsyning innan fristen 15. september 2014. Det er kome mellombels svar frå NOKUT med krav om endringar i høve til grunnleggjande føresetnader for å tilby fagskuleutdanning i kvalitetssikringssystemet, studentreglementet og styrevedtektene. I denne saka er det føreslått endringar i kvalitetssikringssystemet for Fagskolane i Hordaland for å imøtekome dei grunnleggjande føresetnadene for å kunne tilby fagskuleutdanning.

### Forslag til vedtak

Hordaland fagskulestyre vedtek endringar i kvalitetssikringssystemet for Fagskolane i Hordaland.

Svein Heggheim  
fylkesdirektør opplæring  
ansvarleg for saksførebuing til fagskulestyret

Linda Farestveit  
seksjonsleiar skule

*Saksframlegget er godkjent elektronisk og har derfor inga underskrift.*

### Vedlegg

1 Kvalitetssikringssystem for Fagskolane i Hordaland

### Fylkesrådmannen, 08.01.2015

Hordaland helsefagskule har etter godkjenning av styret søkt NOKUT om vesentleg endring av allereie godkjent tilbod innan spesialreinhold og sterilforsyning innan fristen 15. september 2014. Det er kome mellombels svar frå NOKUT med krav om endringar i høve til grunnleggjande føresetnader for å tilby fagskuleutdanning i kvalitetssikringssystemet, studentreglementet og styrevedtektene. I denne saka er det føreslått endringar i kvalitetssikringssystemet for Fagskolane i Hordaland for å imøtekome dei grunnleggjande føresetnadene for å kunne tilby fagskuleutdanning.

Tilhøva NOKUT meiner er mangelfulle eller uklare i kvalitetssikringssystemet er:

1. Kvantitative indikatorar og kvalitetsmål
  - a. Korleis vert dei kvantitative indikatorane og måla fastsett?
  - b. Klargjer omgrepet «kvalitetsmål» i punkt 4.7 i systembeskrivinga
2. Fastsette i kvalitetssikringssystemet at møte med eksterne interessentar skal verte gjennomført årleg eller oftare.

På bakgrunn av NOKUT sine kommentarar vert følgjande endringar føreslått:

#### 1. Kvantitative indikatorar og mål

Siste avsnitt under punkt 4.7 vert føreslått endra frå:

*Skulebesøka dannar grunnlag for ei kvalitetsmelding til styret med eventuelle framlegg og vedtak om tiltak for å betre kvaliteten på utdanningstilboda ved Fagskolane i Hordaland. Tiltaka kan gjelde alle fagskulane eller ein einskild fagskule og utdanningstilbod. Kvalitetsmeldinga til styret skal også omtale dei kvalitetsmåla som er sett av styret. Kvalitetsmåla som er definert av styret vert definert årleg etter at kvalitetsmeldinga er lagt fram.*

Til:

*Skulebesøka dannar grunnlag for ei kvalitetsmelding til styret med eventuelle framlegg og vedtak om tiltak for å betre kvaliteten på utdanningstilboda ved Fagskolane i Hordaland. Tiltaka kan gjelde alle fagskulane eller ein einskild fagskule og utdanningstilbod. Kvalitetsmeldinga til styret skal også omtale dei overordna og lokale måla som er sett av styret for inneverande år. Desse måla er utarbeidd med bakgrunn i aktuell kvantitativ informasjon for Fagskolane i Hordaland som heilskap eller for den einskilde fagskule. Måla vert årleg justert/endra eller vidareført i samband med kvalitetsmeldinga som vert lagt fram for styret med bakgrunn i funn i årsmeldingane og ved skulebesøka.*

#### 2. Eksterne interessentar

Første avsnitt under punkt 4.5 vert føreslått endra frå:

*For å sikre at utdanningstilboda har naudsynt yrkesrelevans og samsvarar med kompetansebehov i aktuelle bransjar skal det gjennomførast periodiske dialogmøte mellom fagskulane og representantar frå aktuell bransje, t.d. arbeidsgjevar- og arbeidstakarorganisasjonar, næringsliv, privat og offentleg verksemd og tidlegare fagskulestudentar. Desse møta vil ha ein frekvens på annakvart år.*

Til:

*For å sikre at utdanningstilboda har naudsynt yrkesrelevans og samsvarar med kompetansebehov i aktuelle bransjar skal det gjennomførast periodiske dialogmøte mellom fagskulane og representantar frå aktuell bransje, t.d. arbeidsgjevar- og arbeidstakarorganisasjonar, næringsliv, privat og offentleg verksemd og tidlegare fagskulestudentar. Desse møta skal verte gjennomført minimum kvart år.*

Administrasjonen ved Opplæringsavdelinga og dei kvalitetsansvarlege ved fagskulane har i tillegg vidareutvikla spørjeskjema i kvalitetssystemet for å gjere spørsmåla meir forståelege. Det har også blitt

lagt til nokre spørsmål om blant anna eigen innsats i høve til skularbeid og arbeidsmiljø. Ingen spørsmål er teke vekk frå dei opphavlege spørjeskjema.